


Mateu 1




Morarama 6me nuno Izapeu tuesapare ahtao Kapirieu tonyohse ropa Ritonõpo a, Nazare pona, Kairea rānaka. Nohpo zurutohme tonyohse mokyro Ritonõpo nenyokypyry, orutua kō poko exipitopỹ zurutohme oryxi. Mokyro esety Maria kynexine. Joze nerēnanopyryme kynexine. Tawi parỹpyryme kynexine Joze.



Ynara tykase Ritonõpo nenyokypyry eya: — Enaromyra exiko, Maria. Opynanohnõko Ritonõpo mana. Poetoēme exīko mase. Emũkuāko mase orutuame. Jezume ke mesehpatase. Tuisamehxo exīko mana. Ritonõpo mūkuru Imehxo Exiketyme esehtōko imehnō mana. Emero esēme tyripōko roropa Kuesēkō Ritonõpo mana. Tytamuru Tawi ehtopōpyry sã exīko mana. Jako pakomotyã

tuisaryme roropa exīko mana jumāme. Toto esēme exikehpyra mana, tykase Kapirieu eya.



— To! tykase Maria eya. — Orutua kō
poko exipitopyra ase. Otāto keh
morara exīko nae? tykase,
toemynyhmase. Ynara tykase
Ritonōpo nenyokyhpyry eya ropa:
— Ritonōpo Zuzenu oehnōko
mana oya. Ijemitunuru
poe emūkuāko mase.
Morara exiryke: “Kurā
nymyry mose ro,”
āko imehnō mana.

Ritonōpo
mūkurume
esehpāko mā toto.



3

Moromeīpo Maria tātakimase. Mame
toytose Jutea pō pona, ypy tō rānaō
pona. Morarama toeporehkase
tahtao, Zakaria tapyī
taka tomōse. Izapeu
taomirose eya. Mame
Maria omiry totase
tyya ahtao, imūkuru
zuakuru ao pau
pau tykase.




4

Mame Izapeu kurohtaka Ritonōpo Zuzenu
tomōse. Opoze ynara tykase Izapeu eya:
— Kurāme mase tyrise, imehnō nohpo
motye, Ritonōpo mūkuru
ēme oexiryke. Kurāme
tyrise roropa omūkuru
mana, awakuru aono.



5

Mame ynara Jezu
Kyrixtu enurutopōpyry
kynexine. Maria Jezu
eny tymenekase Joze
a typytyme repe.
Yrome oximaro
exipitopyra ro
tahtao xine
poetoēme toehse
nohpo Ritonōpo
Zuzenu poe.



6

Mame mokyro Joze zae
exikety kynexine. Nohpo
poetoēme eneryke tyya
iniome se pyra toehse
ynororo repe. Yrome
jarao Maria hxirory
se pyra kynexine.
Morara exiryke
tōsenetupuhse
irumekary poko.
Tokare pyra rokē
irumekary se
toehse ynororo.



7


Mame moro poko aemynyhmaryhtao ro taosenehkase
ynororo Ritonōpo a. Ynara tykase Ritonōpo
nenyokyhpyry aosenety eya: — Aimo Joze,
Tawi paryme mase. Etako pahne, torētyke
pyra exiko Maria poetoēme exiry poko.
Mokyro apoiko opytyme. Ritonōpo Zuzenu
poe poetoēme mā ynororo. Enurūko mana
orutuame. Mame Jezume mokyro
esehpāko mase. Ynara
exiryke, typoetory
tō

kurākāko mana.



8

Toto rypyry korokāko roropa mana. Morara exiryke Jezume esehpāko mase, tykase sā mokyro Ritonōpo nenyokypyry Joze a aosenety. Morarame typakase ropa tahtao Ritonōpo nenyokypyry omipona toehse ynororo. Maria tapoise eya typytyme. Yrome typyty maro pyra kynexine aporo aenururu ponāmero. Mame tonuruse ahtao Jezume tosehapse eya.



9

Morarame Īperatu Aukuxtu tuisa konōtome kynexine, emero pata tō esēme. Mame pape tymerose eya emero pata pōkō neneryme. Taropose eya pata tō punero.




10

Ynara tykase: — Atamurukō enurutopōpyry pona ytotoke ropa emero porehme, oesetykō meropotohme ypapē pokona, tykase ynororo tymerose pape pokona.




11

Naeroro ahno emero toytose tytamurukō enurutopōpyry pona, tosetykō meropose tuisa papē pokona. Joze roropa toytose Nazare poe, Karirea poe. Nazare Karirea rānaō kynexine.



12

Morotona toytose Tawi enurutopōpyry pona Tawi parỹpyryme toexiryke. Tosetykō meropose toytose ynororo tynerēnanopyry maro, Maria maro. Poetoēme ynororo,



Ritonōpo mūkuru ěme. Enurusasaka toehse.

13

Morarame Perē pona toehse tahtao xine, tōxietūtopitose rahkene. Tonuruse rahkene moroto.



14

Aemūkuapitory kynexine orutuame. Ahno eky tapyī tao tonuruse ynororo katonō nyhtoh pehme exiryke. Mame tumūkuru tātose jeny a kamisa ke. Pui napyry ē aka tyrise eya inyhmatohme tosake pyra toexirykōke.



15

Morarama kaneru erase tō Perē ehpio po kynexine. Tokykō enery poko tōmehse toto, moroto ona po. Moroto toto ahtao Ritonōpo



16

Syh tykase toto. Tōserehse toto saerehkane eneryke tyā xine. Yrome ynara tykase Ritonōpo nenyokyhpyry eya xine:



17

Imehnō roropa tākye exīko mana porehme. Sero koko tao nenuruno, opynanohnekomo. Atamurukō Tawi enurutopōpyry po nenuruno. Ritonōpo



18

Mame mose ro poko enetupuhnōko matose, ynara eneryhtao oya xine. Enurusenā enēko matose kamisa ke tātose. Tohrame mana pui nahpatoh tao.



19

Mame mōtino rokē kapuaōkō imehnō tōsenepose eya xine. Ritonōpo nenyokyhpyry tomo. Morarama toremiasse toto, kapuaōkomo,



20

— Kure kuhse mase Ritonōpo, kapuaono.
Nono pōkō torētyke pyra riponeme
mase. Kure rokē toto riponeme mase
roropa,



tykase toto
toremiarykohtao,
kapuaōkomo.

21

Moraramē toremiaxīpo xine tōnuhse ropa toto tosaka
xine kapu aka. Mame ynara tykase kaneru erase tomo
tyya xine rokene: — Ehmaropa ty Perē pona. Poeto
senetatosē, Ritonōpo
nekarohpyry, tykase toto.



22

Moraramē toytose toto axiny, poeto enurusenā enese.
Mame toeporehkase toto. Tonese eya xine pui tō
nahpatoh tao. Moroto roropa jeny tynio maro. Mame
mokyro tonese tyya xine
ahtao, tākye toehse toto.




23

Moraramē toytose ropa toto. Ritonōpo
nenohtyā oturutopōpyry tokarose eya
xine emero netaryme. Poeto enurusē
roropa tokarose eya xine.




24

Mame Jezu tonuruse Perē po,
Jutea rānaō pata po, Erote Jutea
tuisaryme ahtao. Mame te rokēme
orutua kō toytose
Jerusarē
pona.



25

Ikyryry ynanenease
xirikuato, tōnuhse
ahtao xixi tūtatoh
wino.



26

Xixi tūtatoh wino
esarykō kynexine. Xirikuato poko
atamorepaketō kynexine, ynara
tykase toto Jerusarē pōkomo a:
— Otoko hko enurusenā nae?
juteu tō tuisaryme aenuruhpyry nae?

Moro eneryke
yna a aenururu waro toehse yna.
Moro xirikuato tokahmase yna a.
Morara exiryke mokyro enese
ynanoehno xiaro kure tyritohme,
tykase toto Jerusarē pōkomo a.

Morarama Erote a xirikuato ekahmahpōkō tykohmase tyya toto maro tōturutohme tokare pyra. Mame tōturupose eya xine xirikuato onuhtopōpyry poko: — Otara ahtao xirikuato menepitoatohse? tykase ynororo. Mame zuaro toehse tahtao taropose toto eya Perē pona. — Ytotoko Perē pona.




27

Enurusenā zupitatoko. Mame mokyro tonese oya xine ahtao, meramatatose ropa aporo juruse. Ywy roropa jytory se ase kure tyrise, tykase Erote eya xine repe. (Ajohpe morara tykase ynororo poeto etapary se toexiryke.)




28

Mame morara kary etaryke tyya xine toytose toto. Toytorykohtao xirikuato tonese ropa eya xine, mororo inenehporykō ro xixi tūtatoh wino, aosenepohpyry ro. Mame toto esemazupurume xirikuato toytose poeto pitiko esary pona. Mame totypohse epozakoxi.



29

Mame tapyi taka toytose toto. Moro tao enurusenā tonese eya xine tyse enao, Maria enao. Mame tosekumurukō po typorohse toto Jezu ēpataka, “Kure mase imehxo” katohme tyya xine eya. Mame typakarākō ae tynekarorykō touse eya xine ekarotohme eya.



30

Uuru te, ixtaratu te, imep̄y ixtaratu mira roropa, enara touse kehko eya xine tynekarorykōme eya.

Mame tōsenetykō Ritonōpo omiry totase eya xine: — Ytopyra ropa ehtoko Erote a, tykase eya xine aosenetykomo. Morara exiryke imep̄y osema ae rokē toytose ropa toto, tosaka xine.



31

Morarama toytose ropa xirikuato ekahmahpōkō ahtao, Ritonōpo nenyokyhp̄y tōsenepose sã Joze a aosenety. Ynara tykase sã ynororo Joze a: — Owōko, poeto aroko jē maro, epatoko Ejitu pona.



32

Mame moroto rokē
mehtatose aporo. Turuse
ropa ya awahtao xine rokē
moehtatose ropa. Poeto
pitiko enurusenā zupīko
Erote mana etapatohme
repe, tykase sã Ritonōpo
nenyokhyppy Joze
a aosenety.




33

Morara exiryke towōse Joze.
Mororome ro toytose toto koko.
Poeto tarose eya jẽ maro Ejitu
pona. Mame moroto toehse
toto, Erote orikyry ponāmero.
Morara toehse zae
Ritonōpo omihppy
exiryke. Pake Ritonōpo
poe ynara tykase
urutono:



34


Moraramē mokaro a
tonekunohtopōpyry poko
tutuarōtase tahtao,
tyekītapāse Erote. Xirikuato
ekahmahpōkō zehno toehse.
Mame soutatu tō taropose eya
Perē pona poeto pisarara



enurusenā
kō etapatohme.


35

Emero porehme totapapose toto
orutua komo, inenyohtyamo
a. Tyse suhsuru poko ro
exiketō tonahkapose eya Jezu
enurutopōpyry poko tutuarōtase
toexiryke xixi tūtatoh wino
aehtyamo a turuse toexiryke.



36

Morara exiryke emero
totapapose toh eya, Perē
pōkō poenomo, Perē
zomyēkō poenomo roropa.
Enara totapapose toh Erote a.



37

Moraramē Erote toorihse
ahtao Ritonōpo nenyokhyppy
toytose Joze a, Ejitu poro
Joze ahtao. Mame ynara
tykase sã aosenety:
— Owōko ropa. Poeto
aroko ropa jẽ maro
Izyraeu tō esaka ropa.
Mokaro poetohti etapary



se aehtyã
toorihse toh mana

emero porehme, tykase sã
Ritonōpo nenyokhyppy
Joze osenety.

38


Mame Erote mūkuhpyry
esety Akerau. Mokyro
kynexine Jutea esemy.
Tumy myakāme toehse
kynexine.



Mokyro ekary etaryke
tyya, Jutea pona toytory se pyra Joze
toehse. Mame Ritonōpo a taosenehkase ropa.
Mame aomi poe toytose Joze Karirea pona.

39

Mame Nazare pona
toytose roropa toto,
Karirea rānaō pona.
Moroto ke ehse toh
rahkene,



Ritonōpo omihpyry ae
ro. Pake ynara tykase urutō
kō Ritonōpo poe inymenekahpyry poko:
“Nazare pōme exīko mana,” tykase.

40

Ritonōpo sero nono pōkō pyno
ipunaka. Morara exiryke Tumūkuru
toirō tonehpose eya, emero porehme
enetupuhtohme tosēkōme, orihpyra
ehtohme, jūme imaro ehtohme.

36

60

41

Romanos 3:23 Kymarokō emero tyrypyhpyke.
Osepune pyra sytatose, Ritonōpo kure exiry maro.

Romanos 6:23 Ynara exiryke, kyyrypyrkō
epihpyryme orihnōko sytatose. Yrome Ritonōpo
nekarohpyry ke orihpyra sytatose jūme. Jezu
Kyrixtu Kuesēkō marōme exīko sytatose, toorihse
exiryke kymyakākōme.

Epereu 9:27 Toipe sytatose. Emero porehme
orihnōko sytatose toiro. Moromeīpo kuapiakatorŷko
Ritonōpo mana.

42

Epezu 2:8,9 Naeroro tamoreme opyno xine Ritonōpo
toexiryke typynanohse matose. Okurākatorŷko roropa
mana kure oexirykō pokoino pyra. Jezu enetuputyryke rokē
oya xine okurākatorŷko mana. Topehke pyra, tynekarory
kurā sā, Tumūkuru tonehpose aorihthohme,
okurākatohkōme. Naeroro epyrypasaromepyra matose
Ritonōpo poenōme oexirykō poko. Kure oexirykō pokoino
pyra tukurākase matose Ritonōpo a.

Romanos 10:9,10 Jezu orihxīpo tōsemākapose ropa
Ritonōpo a. Moro enetuputyryhtao oya xine imehnō zurūko
matose: “Jezu Jesēme mana,” āko matose imehnomo a.
Morara awahtao xine opynanohtorŷko Ritonōpo mana.
Ynara exiryke, kukurohtao xine enetuputyryhtao kyaa xine
kukurākatorŷko Ritonōpo mana. “Zae mase ya,” āko mana
kyaa xine. “Jezu Jesēme mana,” karyhtao kyaa xine
kypynanohtorŷko Ritonōpo mana.

43

João 3:16,17 Ritonōpo sero nono pōkō pyno ipunaka.
Morara exiryke Tumūkuru toirō tonehpose eya, emero
porehme enetupuhtohme tosēkōme, orihpyra
ehtohme, jūme imaro ehtohme. Sero pōkō
pynanohse Tumūkuru tonehpose Ritonōpo a,
toto onuānohpyra aehtohme.

1 João 5:11-13 Ynara Ritonōpo nekarohpyry sero.
Orihpyra kyritorŷko Ritonōpo mana Tumūkuru
enetuputyryke kyaa xine. Ritonōpo mūkuru maro
exiketō orihpyra mā toto. Yrome Ritonōpo mūkuru
maro pyra exiketō orihketōme toto. Onenerykōme
pape merōko ase orihpŷme oehtohkō waro
oehtohkōme, Jezu Ritonōpo mūkuru
enetuputyryke oya xine.

44

Mateu 1-2; Ruk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Apalaí Bible (apy) ©2017, Wycliffe Bible
Translators, Inc.

<https://www.bible.com/bible/865/MAT.1>

©2024 Bible for Children, Inc.

www.M1914.org

www.bibleforchildren.org